



Sheria ya Uzima kwa Ajili ya Ulimwengu

Hapo mwanzo uliutia msingi wa nchi, Na mbingu ni kazi ya mikono yako.—Zaburi 102:25.

Hapo mwanzo, Mungu alidhihirishwa katika kazi zote za uumbaji. Ni Kristo aliyetandaza mbingu, na kuweka misingi ya dunia. Ni mkono Wake wa kuume ulioiweka dunia mahali pake kwenye anga, na kutengeneza kwa ustadi maua ya kondeni. “Milima waiweka imara kwa nguvu zako.” “Bahari ni yake, ndiye aliyeifanya” (Zaburi 65:6; 95:5). Ni Yeye aliyeijaza dunia kwa uzuri Wake, na anga kwa wimbo. Tena katika vitu vyote duniani, angani na kwenye mbingu, aliandika ujumbe wa upendo wa Mungu.

Sasa dhambi imeharibu kazi kamilifu ya Mungu, licha ya hivyo, mwandiko huo unadumu. Hata sasa viumbe vyote vinatangaza utukufu wa uzuri Wake. Hakuna chochote, isipokuwa moyo wa kibinafsi wa mwanadamu, kinachoishi kwa ajili ya chenyewe. Sio ndege anayepasua anga, wala mnyama anayetembea kwenye nchi, asiyetumika kwa ajili ya uzima wa kingine. Hakuna hata jani la msituni, au jani la ardhini lisilo na huduma yake ya kufanya. Kila mti na kichaka na jani humimina vitu vyake vya asili vya uzima ambavyo bila ya hivyo hakuna mtu wala mnyama ambaye angeishi; na kwa upande wao, mwanadamu na mnyama, hutoa huduma kwa uhai wa mti, kichaka na jani. Jua linaangaza mwanga wake ili kufurahisha sayari maelfu. Bahari yenyewe, chimbuko la chemchemi na vijito vyote, inapokea mifereji kutoka kila upande, lakini inapokea ili itoe. Ukungu unaopanda kutoka katikati yake unashuka kwa namna ya mvua kwa ajili ya kuimwagilia nchi, ili ipate kutoa machipukizi.

Malaika wa utukufu wanapata furaha yao katika kutoa—kutoa upendo na uangalizi kwa kuchoka kwa watu walioanguka na wasio watakatifu. Nafsi za kimbangu zinavuta mioyo ya wanadamu; wanailetea dunia hii iliyo gizani nuru kutoka kwenye nyua za mbinguni; kwa huduma ya upole na uvumilivu wanakuwa wakipita kwenye mioyo ya watu, kuleta waliopotea kwenye ushirika na Kristo ambao ni wa karibu zaidi kuliko wao wenyewe wanavyoelewa.

Lakini tukiachana na mawasilisho yote madogo, tunamtazama Mungu katika Yesu. Tukimtazama Yesu tunaona ya kwamba kwa Mungu wetu kutoa ni utukufu. Kristo alisema, “Sifanyi neno kwa nafsi yangu; “kama vile Baba aliye hai alivyonituma mimi, nami ni hai kwa Baba.” “Wala mimi siutafuti utukufu wangu,” bali utukufu Wake aliyenituma. Katika maneno haya imewekwa kanuni kuu iliyo sheria ya uzima katika ulimwengu. Kristo alipokea vyote kutoka kwa Mungu, lakini alichukua ili atoe. Hivyo kwenye nyua za mbinguni, katika huduma Yake kwa viumbe wote walioumbwa: kupitia kwa Mwana mpendwa wa Mungu, uzima wa Baba unatiririka kwa wote; kupitia kwa Mwana unarudi, kwa njia sifa na huduma za furaha, wimbi la upendo, hadi kwa Chimbuko kuu la yote. Kwa namna hiyo pia kupitia kwa Kristo, mzunguko wa ukarimu unakamilika, ukiwawakilisha tabia ya Mtoaji mkuu, kanuni ya uzima (The Desire of Ages, 20, 21).